

風謠三選

地

~ 18  
2446  
2

3 4 5 6 7 8 9 140 1 2 3 4 5 6 7 8 9 150 1 2 3 4 5 6 7 8 9 160 1 2 3 4 5 6

40  
2446/2



風謠三選卷之三目錄



趙秀三 七絕二十三 五律十八 七律十八

黃錫舜 七絕一 五律一

金得河 五絕一

金宗羽 五律一

李漢蕃 五絕一

金載明 七絕一 七律三

李宜秀 五絕一

李宗愚 七律二

金義鉉 五絕二 五律一 五古七

羅文奎 五律三 七律三

金布泰 七律一

風謠三選卷之三目錄終

風謠三選卷之三

趙秀三

秀三字芝園初名景濰號秋齋景濂弟中進士

官僉中樞

瀋河雜詠八首

漚麻池接養鵝池政值黃梁玉葛時一路田間秋窻  
宰邨猿終日吠高麗

長河秋漲奪官橋隔水人家看更遙日暮羣童浮馬  
去荳花籬落雨瀟瀟

三庚炎熱仲秋天雪藕冰苳不問錢果下一羣閒放

草馬頭爭趁柳陰眠

竹笠裁裁製折風逢人狂走幾羣童何須更問文兼武不妨呼渠刷馬公

六角黃牛十口羊河邊秋草四茫茫縱然散去無多遠倒卧田頭看夕陽

秋來鮭菜滿江壓啁晰商謳不直錢殘月曉風空兩岸令人長憶柳屯田

烏晶馬乳玉雞頭醅頰頰婆入市秋明月一年三五夜家家邀客上高樓

秋空漠漠雨初過河水無風自作波却使離人眠不

得瀋陽城外月明多

新安館歲暮十首

文翁治蜀化蒲鞭底事垂崖戮一錢大角清商俱中律須隨緩急改琴絃

傷心寇亂說壬辛扶植綱常賴有人習禮窮經崔院長一生陶鑄兩忠臣

海曲何人似不疑高冠大佩謁勝之微奸銖兩休相問孝子忠臣在 聖時

翰糴家家到歲殘四山晶瑩海關干牛蹄着屨防晨滑馬背加衣護夜寒

草馬頭爭趁柳陰眠

竹笠裁裁製折風逢人狂走幾羣童何須更問文兼武不妨呼渠刷馬公

六角黃牛十口羊河邊秋草四茫茫縱然散去無多遠倒卧田頭看夕陽

秋來鮭菜滿江壓啁晰商謳不直錢殘月曉風空兩岸令人長憶柳屯田

烏晶馬乳玉雞頭醅頰頰婆入市秋明月一年三五夜家家邀客上高樓

秋空漠漠雨初過河水無風自作波却使離人眠不

得瀋陽城外月明多

新安館歲暮十首

文翁治蜀化蒲鞭底事垂崖戮一錢大角清商俱中律須隨緩急改琴絃

傷心寇亂說壬辛扶植綱常賴有人習禮窮經崔院長一生陶鑄兩忠臣

海曲何人似不疑高冠大佩謁勝之微奸銖兩休相問孝子忠臣在 聖時

翰羅家家到歲殘四山晶瑩海關干牛蹄着屨防晨滑馬背加衣護夜寒

萬里鯁疆返使輶中原消息入聞不可能珠玉今如  
土覘國終然聽馬頭

江南江北告年凶煙火蕭條雨雪中滿橐黃金難一  
飽流民提挈向關東

天慳地秘養膏腴千載句驪故國都聞道遼人禁不  
得蘿圖以外設長圖

西洞多收楚子金東山常採紫團蓂財源貨窟何容  
易鴨水盈盈沒膝深

快鶻翻青脫臂衣名驄跑白去如飛一夜邊山三丈  
雪瀋陽城北打長圍

狄嶺難於蜀道難外鄰強黠內民頑靜修相國真先  
見時爲江州數達官

至舟橋恭瞻華城 幸行五首

衰衣軟舄趁清晨年少相逢笑野人緬想唐堯觀華  
日廣成子亦五朝民

玉鞭香遠度滄波萬舸橋成一咄嗟紅扁綠欄安勝  
屋內臣猶說朴齊家

對岸龍驤鳳翥亭江心倒映鸛山青辰初二刻催嚴  
鼓 殿下乘輿入晝停

烏石朱書峴首臺 先王孝思昔徘徊 園陵春樹

添佳氣有道 曾孫展謁來

長堤草色綠鋪氈 塘馬蹄痕個個圓 一盞茶時能往  
復平安二字報 慈天

隴城雜詠十二首

聞道嘉州賊前宵殺長官 忍能爲寇盜本不耐飢寒  
風雪邊聲急關河歲色闌 聖朝哀痛詔字字涕洟  
瀾

郡縣同摧拉 狂鋒閃澆西四鄰 爭奪馬千里未聞雞  
勝策思黃石 恩綸布紫泥 中原多暴骨 忠憤竟誰  
齋

邑大有餘酒樓高多北風 人分湖嶺外梅發亂離中  
尺劍心猶壯 千篇老更窮 迢迢望京國 星月在天東  
寇來天地暗 漂蕩似奔潮 饑饉方千里 昇平歷 七  
朝重關徒手入 諸將朶頤招 連夜大風雪 邨邨煙火  
銷

少讀杜陵詩 淒然涕自垂 如何多亂日 又此遠遊時  
家信無黃耳 歸程阻赤眉 向來憂漆室 不敢戀妻兒  
兕虎關西子 難馴亦可哀 磨刀如雪色 騎馬逐風來  
胡不霑 王澤非無殺賊才 推心爲赤子 天網本恢  
恢

風言三選不雜三  
七州男子少巖谷盡逃生坐見萑苻賊來窺細柳營  
薪樵析屋入原隰踏人行三晝斲冰雪辛勤閉內城  
澆上多豪富民居稱古今公然爲賊藪斬伐及松林  
劫火干天運官軍半貨心景來君則首一級直千金  
報國常留劔居官不愛錢挺身思北首躍馬向西天  
家室蒼茫際山河慷慨前苕陵風雨夕曾與對床眠  
四境讐奔趨三軍時大呼青冥下鈇鉞髻白捧篋壺  
西塞副元帥東方一腐儒相逢未從去愧我讀孫吳  
蕭瑟驚殘臘飄零怨此身未能歸白帽那得掃黃巾  
廢屋居狐狸空城語鬼神生逢堯舜世老作亂離人

北帥移熊嶽東來駐鳳城嗟哉千乘國何待八旗兵  
乞救非長策跳梁耻亂氓昔年蠻寇入匡復荷皇

靈

八左寨

少負請纓志老無橫草勲羽書徵戍卒駟騎赴河濱  
腰下冲霄劔胸中勒石文寥寥千載後誰識趙參軍

到大羅信峒

擊柝國西門強鄰覬蚤昏未能曉軍事竊欲報君  
恩點盡烏蠻戍行窮鴨水源始知張博望當日睹昆  
崙



憂

近歲人獲賊強過水上游得無壇場事應有廟堂憂  
燕使徒緘舌江民盡縮頭腐儒多錯料搔白向清秋

哭芝山使君三首

朝廷小司寇委巷一茅茨階有康成草家無伯道兒  
姓名傳上國文墨繡明時竊爲蒼生惜非徒哭我  
私

宿昔同襟好年來比屋居憐飢分薄饌知癖借新書  
海內交遊絕生前涕淚餘東城春草色歸日意何如  
芝園百歲後當爲刻遺文此語成千古今年哭使君

聰明猶可及澹泊更無聞合眼還相對金鱗泳玉盆  
將作瀋陽之行同社諸公出餞于石瓊樓二

首

一庭佳樹一房山秋士癯生古石顏世色不來山裏  
許雨聲多在樹中間泉流百道盡成雪作者數人相  
對閒信宿也應關遠別幾何西去復東還  
家家溪漲到柴門煙火微茫待遠邨大鳥攤襟縈碧  
落一螢幽冷度黃昏宅邊置石便箕踞樹下閑書愛  
劇論近日吾軍張亦足不須餘子數中原

善竹橋

波咽橋根幽草沒先生於此乃成仁乾坤弊盡丹心  
在風雨磨來碧血新縱道武王扶義士未聞文相作  
遺民無情有恨荒碑濕不待龜頭墮淚人

南漢

城頭秋氣鬱風雷城下長江動地來先據有山天設  
險後生無事日登臺周遊海嶽餘雙屐歷數英雄又  
一杯向晚胡笳吹自裂蒲空寒雨翳還開

夷齊廟

祠下灤江碧一灣墨胎兄弟此生顏知其非矣殷周  
際若是班乎孔尹間孤竹祗今云北鄙採薇何處不

西山包茅遠至多新感拜薦汀蘋坐忘還

壬寅初度

初辰弧矢了遊方歸見孫曾競附床天下定無求駿  
價室中惟有蓄書香井蛙自謂乾坤大山蟪何知歲  
月長世事如花多閱歷冷眸子是熱心腸

煉藥清涼寺三首

山中日用且隨緣樹下看書石上眠博施常攜治病  
藥長貧曾却買山錢人非小草寧干世僧與高松不  
記年鄭圃小兒多口業天遊強說御泠然

行飯今朝入翠微松根趺坐久忘歸巾簷露滴棲金

粉耳竅涼通聽玉微眠鹿近如同榻卧啼禽元不肯  
人飛天東一片滄溟色僧說尤宜看落暉  
莫將閒事攪齋居且閱三乘足五車皂莢樹深移坐  
具芭蕉葉大學行書偶看黠鼠偷香燼每爲飢鳥施  
飯餘長日如年無剥啄非僧吾亦愛僧廬

悼亡八首

琴瑟恩情五十年黃泉青海兩茫然無言骨肉嗟之  
子難繼糟糠愧所天育鞠育窮皆我命宜家宜室是  
誰賢縱知白首悲無益秋夜迢迢自不眠  
多情遠不及鴛鴦寸斷猶餘一曲腸地下倘圓青玉

鏡生前未著爵金堂蕭條通德期偕老輕薄安仁賦  
悼亡雙淚拭乾還自滴客簷終夜雨琳琅

吾遊常說阻音顏子去如何更不還有病尤憐衰老  
後無書亦在信疑間思量幸免填溝壑珍重難忘誓  
海山榆柳滿天疎雨下異鄉磨墨誌玄關

幾度叩盆歌不成蒙莊非達薄於情他年我亦歸同  
穴易地君何忍獨生明月影孤鸞鏡舞春風耦失鹿  
門畔曉來偶得還家夢依舊中畿倒屣迎

今夕何晨星在西書來驚見左封題從前古佛忘天  
女自此生人有鬼妻關樹未黃風撼撼客窻先白露

廣詩選卷三  
一  
淒淒邱山華屋須臾事醒得塵間一夢迷  
心身修飭未曾疎頭白渾如結幌初慣耐飢寒能似  
我不交婢妾劇憐渠闔門懽若貧猶樂對坐蕭然室  
更虛祇有平生誇大語兒孫皆讀乃翁書  
眼昏猶不廢縫紉徃歲征衣出手針裘薄温存添半  
臂帶長便貼結同心忍教一縷身邊熒畱得殘香篋  
裏沉黃葉滿庭霜露重夜來腸斷四鄰砧  
北關何似夜臺遙自怪生魂不可招來世夫妻緣或  
結去年離別恨難銷從知火宅無羊乘莫道銀河有  
鵲橋丹旄總車秋草色中泠江上雨瀟瀟

年八十三獲忝賢關大比之科唱名之日特  
蒙五衛將晉爵之恩中朝宰相又多枉問

謹庸賀詩韻以識榮感

枯木蒸回燁燁春科名雖小命雄辰 君恩濫矣無  
功爵祖蔭偏於不肖身賢相趣攜聞喜酒窮廬將勸  
讀書人 英宗舊甲函箋日恭憶 隆褒拜賜新

元日示諸孫

新正謁祖廟堂牖淨初曦孫曾競扶將頭角何參差  
小者尤無畏呼我爲老兒趨步笑踈踏跪揖朝容儀  
歸來不許卧牽裾中坐之三杯辟惡酒一篇延祥詩

紛紛各獻壽箇箇前致辭歡言撫其頂但能領以頤  
乃翁無德蔭為家乏財貲何物詒若曹繩繩勉孝慈

拈陶句閭庭多落葉慨然已知秋賦秋懷

昔賢未遭遇徃徃困州閭混跡遊屠販俛首就佃漁  
一朝得奮迅遺光滿史書聲名藉過後貧賤藐厥初  
窮達信有時其心固自如

縞紵通邦國羔鴈貢門庭惟士類靜女聘問遵禮經  
交道日趨下斯言大驚聽瓦裂自失身糝居從忘形  
所以楚穆生廢醴視儻刑

城臯木葉下登樓山更多濠梁秋水滿落日弄微波

傾聆牧馬嘶屬眺翔鴈過時序劇嬗變俯仰興吁嗟  
游子懷故鄉不飲復如何

有酒澆魂魄有詩慰寥落二者足遣懷矧余素所樂  
徂秋轉荒涼是景政蕭索獨酌望遙空微唵步幽壑  
嵇阮及陶謝千載難更作

衣帶引青蘿述撰編黃葉幽居在人境邈若雲嶺壘  
婦子同耕作鄉黨罕交接珍重古沮溺食力聊自慊  
我行欲問津惟恐徒跋涉

少年尚氣節談論頗慷慨精微析毫末浩汗窮海內  
四座雖動色愛憎殊面背踳躑至暮境捫舌生百悔

聊爾奮吾筆書成鋼之袋

班令從漢軍擲管銘燕然萬古一片石崢嶸堪誦傳  
腐儒際盛世百歲靖烽煙夙抱遠遊志浪跡窮四邊  
安生此爲樂何用筆如椽

兵燹纔經後饑饉亦過已奈何不知變岷風日頽委  
關石罔畏法刀錐惟競歿智者憂未然壞裂况如此  
治蜀獨尚嚴葛相審至理

盜賊亦何心惟幸人不知始欲厭然掩久久甘自欺  
君子本慎獨一念差毫絲馴致無忌憚何事不可爲  
吾年當老悖戒懼倍見時

稔黍已登場郊原告清秋空陂集鳧鴈閒隴歸犝牛  
我似陶元亮倚杖聽水流田間無滯穗孰爲窮人謀  
萬井制民產盛際憶西周

煉藥清涼寺三首

仲夏城市熱深山天氣清清朝及涼曠顧諝山之名  
幽磴納衆流盡日風雨聲綠葉膩向午尚有黃鳥鳴  
偃蹇巖中樹經春乃繁英觀者有早晏本自忘枯榮  
有如隱淪士材名老後成垂綸磯上釣抱犢雲中耕  
此輩豈伊呂蚩蚩皆峽岷願言返初服及爾畢餘生  
善公新經屋雖小大有賴南北隩而長東西寬且泰

涼軒與燠室四時各無害遠峰碧於染萬笏環窗外  
還疑小漁舟夜泊秋江瀨下臨突趵泉上蔭垂絲檜  
波寒供漱齒枝亞承解帶瓶塵拂清影鍾魚荅靈籟  
舊屋頗湫隘祗以樺皮蓋記余曾寄宿終宵雨聲大  
山中夏如秋月明鑑毫髮欲出苦低徊既升快俄忽  
煙雲掃蔽虧天風會事發依微度礪曲宛轉當天闕  
殿瓦鱗之而露光波笏滑高樹漾扶疎遙峰墮突兀  
危巔去不尺磔磔驚棲鶻盤旋亦屢回凌勁仍自汲  
四海鮮閒人百年多此月緬懷坡公語苦吟曉未歇

西寇檇杭

馬山碧慘愴獫狴川鳴嗚咽十室九寡婦未哭淚先血  
哀哀坐終夜自從亂前說維定舊樂土厥賦雄西闌  
有渠過鄭白其地倍滕薛魚鱗萬井錯雞犬四境達  
篝車旣狼戾漕輓乃遠滌漁島及牧洲星羅又棋綴  
三時飯稻稷四節羹緇鱗衣須越女裁帽勝蜀王結  
織巧極人力大寶皆地出區賣峙絲繭榷亭居鹽鐵  
日眩杭市貨歲湊燕山轍小戶誇錢甃大戶號金埒  
農賈儘樂利儒士尤卓絕地名古新安有此俎豆設  
人人誦經籍家家習絲蕝稷下盛髦俊冀北多鼻馱  
句讀誨童孺著述傳子姪榮爵地芥拾比屋天桂折

芬華兼富厚團圓無虧缺有女南北院長眉而曲襪  
顰笑工妖冶謳歌相欣悅絃管淹晨夕酒肉慶年節  
煌煌聖人教八條不中輟奈何俗日薄醇風盡壞裂  
斗麥訟暮功十錢相殺越齷齪變華夏獷悍似胡羯  
人事恣驕惰天意禍淫泆一年苦多雨二年悶中暍  
三年又幾魚四年仍肆魃五年六年中旣壘已罄竭  
七年最爲甚水旱俱酷烈秋禾爛不秀春苗種不茁  
今爲不毛地昔之長腰漙七十米一升六百布一疋  
飢寒分所甘租稅從何畢官吏立徵督里正遭鞭撻  
我困執誰故敲門卽嗔喝貧者鬻子女富者解衣褐

割愛凍肢體十不充其一信宿斷煙火維時政風雪  
西人大煽動虜騎將馳突下民熒惑聽惟星蚩尤字  
貧窮遘亂離一夜驚六七其日十八夕是歲十二月  
劇寇從東來所向皆顛蹶嘯聚倍林洪犯順倖連迺  
賢宰名祖孫處變克纖悉職爲守土臣臣當殉符綬  
父子蹈白刃從容無畏怵明火計軍吏懸金購豪傑  
蔽兵藉爲銳倉粟爛自發點朱浪簿記沉綠愧扁鑄  
頽頽應叫呼但見飯盂凸衣冠幻殊服虎兕紅額抹  
溝壑幸不填潢池嗟胥沒一歿等飢飽同鄉忍誅伐  
汝昧君臣義是亦父母質嘉博火嗶爆宣郭波蕩滴



七州無男兒憑陵遂莫遏懷綬或夜走左韃或朝謁  
洪惟我 聖祖神武掃蒙獫鬱蔥元帥臺巍赫五丈  
碣于定制三軍軍容何洸勃雕旗豎中權鵠弁趨兩  
列城郭雖不壯週行晨及昃弓弩雖非勁犀革貫七  
札範京量糗糒齊山積矛鉞府中六七賊一一舞奸  
猾昇平啗脂膏板蕩鼓吻舌狐威劇譁張蚓結固密  
勿太守哭西河悲懼交恍惚徒御問山窮鄰邦賦邱  
葛痛矣國之障化爲龍蛇窟傳聞鐵甕守奸宄幾微  
察環城已無賊殉國復有卒時賊據松林官軍遇倉  
卒大譟鳥獸竄百里行一瞥其魁恐不免其後遑顧

恤其伎乃止此疾追尚無逸賊梳兵如篋蒐掠靡遺  
髮村閭一焚蕩夫嬾盡斬割三宿抵城下登陴賊笑  
啞游寇號北陣前鋒頗勇黠東嶺大戰場所騎偶蹶  
失軍前首高懸城上氣先奪欲攫爪已摧欲噬牙卽  
脫賊副粗識字符檄常秉筆宣人攻濟策圈批主陟  
黜一敗入山郭斬馘起幸媒千金指六里逆臣謀亦  
譎愚哉重利徒爲人伏砧鎖 王師下青冥旌麾辭  
北闕子營閱超距甲馬班毛物一飽五百斛萬竈青  
燿燿無恙濠邊柳春風鞞窳窳諸公仗劔來狂塵志  
掃滅推車車直擣撞關關將截挺身赴國難乃有傳

家閥慷慨金兵使戎壇告泣訣未齎賊魁肉誓不重  
渡滄肉薄東礮樓眼前無突兀朝廷所不識二公歿  
同日義州兩義將材智便頑頡長槍許統制跋馬先  
秋鷲斫賊同斫苾錦袍血雨撒州縣復次第鎮堡收  
嗟咄壯哉西門戰毒鋒如比櫛褻創手格搏安如死  
房闈安陵林義士蠟書蔽之密鶻裘與鷁形間道行  
丐乞賊謀發衣帶殺身終自潔丈夫當如此忠信兩  
專壹韓公困郎署白生老蓬葦讀書布周孔許國輩  
稷契罵賊聲不絕見賊身不屈歿後顏杲卿來時段  
秀實 恩褒憫絲綸榮馳煥綽楔綱常賴扶植微斯

定幾威暮春十九夜賊出風颯歛咸從常勝兵夢裏  
大焚蕪何如爲沙蟲一軍化楛柎桓桓銅面將聞道  
嚴紀律平明覺羽出淮陰政疎濶惟戰聖所慎其戒  
士不率笳鼓向曉入聽之潛泣啜園中四見月團束  
詎少豁定人游弓彀博賊爲隳括一博領才定睥睨  
不暫歇縋跳或乘間駢誅及傍轄至今賊日賊重足  
被告訐徇衆異身首僂體露私褻哀我赤子身求歿  
亦不殺昔人勤培植樹木喬而蔚蒼官百歲松素封  
千畝漆公門羅桃李荒年就棗栗斧斤勿剪伐雨露  
常湛澱一朝入赫燎三春鮮滋蘂僞部報糧盡民間

急搜刮大者傾窖困小者空篋鉢寧復護蓋蔽不敢  
私語昵然猶有飢色其徒徧詬叱困獸倘一鬪大陣  
謀夜決稀星在戟芒雨止春泥滑斥堠見火起伏路  
奔攻迭景來棄其馬衣甲盡掉挽君則面帶矢被血  
叫頓跌總角掌中丸呻吟不振刷丁壯盡是役萑苻  
無揭揭歸來相怨怒况聞地道掘鋤之所及不問  
巧與拙江雲老曠工頭鬚白地室高低若淺深量肩  
度以膝遇鹵聲隆隆遇埴聲軋軋羣螻食李心衆螳  
穿珠穴游魂祇須更作威耐恐慄萬馬牛毛嶺說梅  
難止渴婦人雖失日旬前纔浴佛晨光帶長雲危堞

曳靄靄千雷疊鞞鏗萬電同轆轤粉雉忽飛墮盡櫓  
自倒拔乘障五百徒朝天燭見跋兵從天上下火自  
地中洩號咷各奔逆誰能共提挈渠帥暨黨羽殲獲  
分其秩定人豈無辜崑炎嗟不別我夫老而瞽我兒  
幼且蹙欲出賊不出欲活兵不活幕府兩級首竟歸  
誰冒竊十里定西門無由認暴骨雖賊宥脅從 天  
語誠惻怛匪賊死以賊難數某甲乙幽冤于天和疫  
癘蒸汗巖生者未畊田時復鳴鷓鴣病歿十之五飢  
歿十之八飢病苦費日兵歿快俄忽我生長亦苦快  
者甘如蜜斯言次爲詩爲君傳四訖百郡二千石廉

平耻饕餮禮導並義齊務本莫趨末治日易勸從亂  
時罔散佚大盜盜城邑小盜盜勛鎰百物盡盜去未  
盜爲政術願借方寸地 黈纆一仰徹縱愧南風歌  
猶堪被琴瑟

皇明實錄歌

四百六十一卷明實紀當時史才稱谷氏一統二百  
八十年天啓爲終洪武始禮樂刑政燦典章山川郊  
廟精禋祀祖功宗德奠九區文謨武烈垂萬禩滄桑  
百變崇禎朝嗚呼 帝亦明天子大厦固難一木支  
四十九相空唯唯豎碑黨籍有東林執策赴亂無南

史但見爆火起金宮未聞遺音傳玉几左有記事右  
記言舊臣應泰今皇旨犬啣膏燭秘書省蠅頭細字  
番黃紙豐潤之谷後式微此本流落燕南市三蝕神  
仙老脈望瑟縮不敢來容嘴槐肆雖非石室藏神物  
守護猶相俟朝鮮使者館玉河摩挲永歎窮朝晷西  
堂書儉黠於鬼察眉索價高如彼不惜千金買全部  
嗟哉李君慷慨士史有邦禁不示人閉門蠟炬中宵  
紫老眼讀盡天下書紙上拭花編屈指一字一涕涕  
無從斗酒未澆胸礮礮恭憶萬曆歲壬辰蠻寇荐食  
同蛇豕八道三都競土崩梁上見啼羝人耳 帝赫

斯怒命東征鯨鱔詎肯受鞭箠部中髮白石尚書李  
提督後楊經理虎略鴻猷出爲時微二三公吾漆齒  
豈意今夕親見之存亡肉骨恩淡髓大車檻檻渡鴨  
江箕尾仰看文虹起拱北門開尺壇高壇前日月尊  
閣度上國文獻在下邦夏禮殷禮徵宋祀不購象犀  
珠玉購此書國富家貧心獨喜嗟哉李君慷慨士  
天心感激嘉曰爾

興天寺古鍾歌

興天佛寺舊時鍾重八石百風磨銅口徑一丈高二  
倍雲雷駢首蟠螭龍膚肉端厚若天造刻畫森嚴愁

鬼工拂拭塵煤發古色醬黃隱映野駝紅作銘詞臣  
韓繼禧奉 教書者鄭蘭宗天順六年秋九月孝寧  
公子敦厥功公子往聽檜巖講焚香祝 聖黎民同  
五色舍利三百顆歸來再拜獻 九重金盤夜放白  
毫相玉像髣髴清夢中異徵靈瑞膺寶運命鑄大鍾  
傳無窮鍾聲悅聞華鯨吼寺門高對橐駝峰 聖朝  
由來尚儒術梵宇斥爲今學宮萬牛喘死猶不動屹  
然古閣城之東南寇北燹屢經過盜竊不能如鬲駸  
積土豁訝實其腹綠蘚陰沈嵌諸空書生好奇兼博  
古摩挲盡日懷忡忡商彝周鼎量尺寸好事購之如

不逢國寶奈何獨拋擲徒聞觸爪鳴丁冬吾知物大本無用有時手摸礮礮胸一鳴祇應驚天下安得鐵簾懸穹窿

病齒行

我齒三十有二箇編貝璨璨如新磋是時風流美少年語笑輝映賓朋坐凍酒水茶快吸乾豚蹄雞脚紛嚼破鳳山雪梨沁髓香薊州核桃過拳大兩頰板橋馬蹄聲須臾只見空瓶卧舊游如夢思惘然邇來此味輸阿那鏡中醜態式日生齧縫肉銷樓黃唾往歲微旨起關中左輔右輔相遷播已搖將搖筭有分欲

落未落尤無奈皮綴根離僅綿連呼顛吸仆隨箕斃槎枒觸物痛入心雖有珍糜同啖莖江淮鐵閘胥舟船一芥動費千夫拖刺耳千錐猶畏讒當頂一針應警惰飯熟無雷亦震驚飲冷非夷能立懦唇推舌咀百辛艱餽香厭聞長腰糯持梁刺肥計已違自分骨相宜窮餓人蓼粟糜瓊玉膏元戎謬惠憐僚佐縮口操心細細呷新婦似惜粧脂浣日風日蟲藥不靈下策只餘陳艾磨文字聱牙不成音旬月久廢歌唵課捧腮今效西子顰揚喉昔寡南荆和美人瓠犀磕瓜子噴殼霏霏紅蒲座苦憶當年玉版刀所向無堅不

摧挫說謊之崇諺有云半生綺言知罪過

石鼓歌

少讀韓蘇石鼓詩如見石鼓嘆雄詞今見石鼓如見  
詩左揖子瞻右退之東海鯁生縱操筆敢與二公相  
攀追周宣中興奮武烈北伐獫狁南徐夷秋獮春蒐  
詰戎政河漁藪畋覲農時旣攻我車同我馬弓矢馭  
選西于岐鹿鹿如山獻庭實魴鯉在筍穿楊枝享于  
明堂薦宗廟報多稔黍流鴻禧嶽中山甫及方召蹕  
踣劔佩嫺朝儀臣工勒頌紀盛績烏雲十朶鎚屨屨  
軍旅之事象以鼓刻畫不用鼉蒙皮柱下太史臣曰

籀文惟二雅書蚪螭一變蒼帝蟲鳥跡虹紳瓊樹光  
陸離詩寓規諷絕僭諂意在忠厚非阿私焚書求書  
摠簡策老石無言卧西陞雷張詎識斗牛氣古來枉  
見英雄欺九鼓移置鳳翔學前有餘慶後有池一鼓  
贖作無忌憚辨整昭晰嗟傳師鼓火春粟厄湮塞還  
珠完璧神扶持紛紛五季亂離際劫火不敢傷毫釐  
宣和玩古保和殿大做一錯填金絲金兵見金不見  
字爭金剔字多劇劓靖康酷禍坐昏謬萬古亦爲斯  
文悲爲誰珍重惜拋擲宣撫誘衷癡不癡集也元朝  
巨儒者羶車載致先師祠安置妥貼覆大厦韓公本

風言三選卷三  
意竟如斯下距 皇明上距宋五百年來文在茲紙  
覆墨打聞剝啄烏金搨本邀重賞時皇崇文兼好古  
博士肯許閒人窺又有新鼓屹相向南彭篆學淘瑕  
疵舊鼓如讀行雨卷雲霧蔽虧鱗之而新鼓如寫美  
人影瓠犀之齒青蛾眉定國妄引真可笑升菴譎偽  
無難知諸家噲杳若聚訟盖自毆九疑生疑十鼓巖  
巖鼻祖行秦碑漢碣羅孫兒韓公蘇公倘復作摩挲  
石刻同吁嘻

黃錫舜

錫舜字德昇平海人

對酒有感

爲人所誚亦吾知醉死樽前敢不辭酸甘清濁何須  
說對酒浮生定幾時

舟中

歸帆如快馬前浦片時過沙暖鷗眠穩風微水自波  
襟懷滄海豁幽景遠山多孺子濯纓曲斜陽和棹歌  
金得河

得河字士洪號四愚堂忠州人

月夜泛舟

秋月明如燭清江淡欲無不知何處客孤帆數聲呼



風詩三選  
金宗羽

宗羽字儀之號碧山翁漢陽人

登鷹巖

滿眼春光好芳菲一雨新柳疎鶯亂度花密蝶相親  
縹緲千層嶂登臨四五人夕陽鶻詠地回首隔紅塵

李漢蕃

漢蕃字君陳號賢谷天安人

鴈

悲風吹落木三四鴈隨陽問爾歸何處江南是故鄉

金載明

載明字子淑號文巖金海人父伴圃庵光翼見

續編

松石園

自愛西山日日歸幽禽慣我不驚飛聽泉未覺遲遲  
步及到柴門雨滿衣

對酒

病卧蓬窻久未開寒花寂歷繞池臺何曾藥餌扶衰  
力從此悲歡付一杯月色正當疎柳白秋聲先自古  
桐回人生五十誰云老五十之年不復來

如斯亭

歷盡平郊又短臯道峰蒼翠濕巾袍霜清曉月寒仍  
薄木落秋山淡更高詩癖幾忘三月肉病容渾改十  
年毛行從野老聞農話耕鑿雖勞心不勞

幽蘭洞過聽松堂舊址

藤壁苔溪洞自陰松堂遺址古松林沙長忽有無根  
水樹密恒多並坐禽芳草一溪春日靜桃花數屋午  
煙深巖間玉篆留顏色風雨磨來且可尋

李宜秀

宜秀字仲老號錦里

人

洞仙嶺

巨壑深無底俯看髮竦然斧斤不得入樹老任天年

李宗愚

宗愚字德容慶州人

松溪夜集

萬事蹉跎計易闌浮名誰似及時歡未逢塵世埋愁  
地還作醉鄉無品官夜竹禽飛蟾影白風扉犬吠葉  
聲寒霜繁玉宇金花老奔駟年光缺隙看

夜過鄭樵父江居

與君期宿到君居雲水門庭淡畫如江色平看明月  
下棹歌初聽晚潮餘耕樵有暇時垂釣詩禮存心夜

讀書知舊本無名利客城闈終歲跡應疎

金義鉉

義鉉字士貞號庸齋滄城人父是閒齋順侃見  
續編

東州樸咏二首

兩厓折如戶離立萬樹楓地近神仙府翻疑紫氣通  
雞犬散籬落郊原日欲斜邨娘背行客嘿嘿摘綿花  
過錦城尉別墅

門巷桑麻靜還如野叟居石泉餘滴瀝園木舊扶疎  
當世賢都尉傳家老檢書客過陂水淥落日下春鋤

西行樸詠七首

曠衍多良疇百穀秋穰穰爭唱太平謠刈穫滿車箱  
氣象際熙皞 聖世樂無疆

依岸松蔭翳臨水閨巖堂立師勤訓迪清晝講聲長  
聖化侔三古美俗暨遐方

邨叟鬢雙玉壽秩攸 天錫鮐背眉皓雪茜帶衫半  
碧應從社飲歸酒酣馱黃犢

老婆向秋陽蘆簟晒棉花小娘處土窰軋軋夜鳴梭  
女紅亦已成卒歲樂如何

五里一長丞官路竭來程朱頰岸烏帽腹中記土名

襲謬非古制何必像人形

凜凜梁騎兵無媿讀書士罵賊終不詘不怕刀鋸割  
芳名騰口碑 衮衮垂國史

箕州出孝子深山獨守墓至誠能感天有虎來相護  
異蹟爲人誦丹楔耀蓬戶

羅文奎

文奎字聚之號松寓致煜子

薊門煙樹

一色橫銀漢連空蕩錦紋吐吞承暖氣輕薄逐斜曛  
幻境寧依地虛光不借雲俄然千萬局誰向畫中分

渡鴨綠江三首

行邁歲云暮北風江上臺山川頻顧眄鞍馬少徘徊  
使有尋源去人無抱筑來九連連夜雪留盡別離懷  
龍濟亦旅館何事去遲遲萬里從茲遠孤帆隔歲期  
冰程愁倦馬沙岸竚佳姬遙望石山色依依到別巵  
征旆蕭蕭日欲曛離歌悵悵倚微醺窮山亂石車留  
跡古渡悲風劔動文何恨浮生千里別不堪殊域一  
江分經宵短褐應無夢遊擊荒城雨雪零

榛子店

虞家少婦季文蘭遺墨曾聞壁上存薄命未能輕一

風詩三選不卷三  
歿有情空復泣孤魂江南草綠羅裙色塞外花殘寶  
襪痕怊悵瀋陽今去路暮雲何處是荒原

姜女廟

高原立馬感懷生白日蒼松廟宇清自是綱常千古  
重遂令天地一身輕煙波不盡崩城恨風雨空留化  
石情畫壁丹楣頻注目巫閭遠勢與崢嶸

金希泰

希泰字亮元號塑齋金海人

漫吟

春早溪山雪滿林寒風蕭瑟閉門深琴書幾載空多

病花身佳辰獨悵心縱有貧家新釀熟豈望窮巷故  
人尋從來與世相違久孤坐終朝對碧岑

風謠三選卷之三

風謠三選卷之二

風謠三選卷之四目錄

王太 五律二 七律五 五古一 七古二

洪翼龍 七律一

朴英錫 五古一

趙相淵 五律一

鄭璟信 七律一

白履相 五律一 七律一 五古一

黃希舜 七絕二

曹俊民 七絕二 七律四

安命相 五律一

風謠三選卷之四 目錄

朴之順 七律一

朴東寓 七律一

劉漢謙 五律一 五排一 五古一

林得明 七絕五 五律一 七律六 五古三

金在鉉 七律二

梁興宇 五律二

延景箕 七律二

庾璣 七絕一 五古一

金忠顯 五絕七 七絕十三 七律四

張必新 五律一

金泰郁 七絕一 七律一

蔡景敏 七律一

金聲厚 五律一 七律一

申尚一 五古三

安重禧 七古一

申相濬 五律一

李景淵 七律一

姜鳳一 七律一

慎知欽 五律一

尹仁權 五絕一

風謠三選卷之四目錄終

風謠三選卷之四

王太

太字步庚號數里莢弟

午眠

思入無何界南園化蝶初猶聞枝上鳥已墮手中書  
簾几微風至林塘一雨餘希夷千日裏憂樂摠如如

江閣滯雨餞春

城中人欲老江閣一春間芳草連天雨桃花兩岸山  
石邨沽酒去煙渚捉魚還回想要津處應無似我閒  
水窮雲起洞與土執惠卿金一芝

景燁

文仲



若景鑄共賦

滿城炎熱獨乘涼山木深深澗水長洞外白雲時送影杯前蒼翠自生香千家憂樂從他在一日形骸到此忘思欲挾仙遊廣漠上頭還有祭星岡

士執惠卿來宿山房金宗浩秦郁又至

行墨名儒朱碧班早從賢聖坦途還恩深賈傳曾前席恨結班生只抱關處處春風悲白髮年年六月泣空山胡為激血君如我話到先朝舌不開

雲風軒與李伯曄陽秘張元一混士執惠卿

共賦

心緒無端日日新秋花秋草起看頻朱門懷刺知何物白首論交有幾人成佛耻居靈運後買山願卜少陵鄰窮途翻手多雲雨今夜方憐酒意真

寄士執

隱如玄晏睡希夷自謂及之人可欺萬木山空明月在秋江水落白鷗知親朋一語相規好薄宦終朝獨坐危莫把新詩煩往復旗亭早有唱歌兒

直中秋事

日望星雲似曆家非關山雨澗風斜柳飄不至長條葉蓮謝猶餘數朶花漸入境佳吾獨味欲因人熱世

風謠三選不卷四  
爭誇歸心及見秋涼動冷笑頭銜薄許紗

添齒

古來添齒感排衆我獨喜明年滿七十隨分當致仕  
始許杖於國且有米肉賜熙皞仁壽域所愧稱人瑞  
樊廬溪山間閒卧度清美不貧復不賤孰能與相似  
但恨賦命乖朽老竟無子萬中一箇身永絕生生理  
應坐酷嗜詩愛同出自己天道惡兩得優彼而嗇此  
康哉猶可爲宛其將何以已矣乎自遣把酒春風裏  
反辭欲慰心實知前言戲

鐵杖行

鐵杖身長七尺強秋水星文寒雪光 先王賜出九  
重裏午夜行審兩宮墻昌德昌慶宿衛密南接 太  
廟北壇場日汝視此匪頒物專心毋負百鍊剛五營  
分掌一周檢象天經緯成歲章行坐勤慢不須問從  
實書啓日以常臣太雙擎拜稽首榮寵更無人禁當  
是時宣仁門上鑰衆目聚看驚欲狂上結重紐下三  
脊蒲筍竹節交鏤陽有似君子不爲噐舟可環劔刺  
可槍捍外防微各殊用侯椎伊鞭亦比方必從歐冶  
劇精妙誰其鑄者名未詳試向橋頭柱一柱龍蛇飛  
動挾風霜携君左繞紫微轉種種白榆紛列張才過

集春離披草直抵廣智阡絕岡于戲鷹峰最高頂脅  
息奔輪汗翻漿輕控慢攏信手擲金石相觸鳴琅璫  
湘靈之瑟柯亭笛斷腔幽咽弄未颺空山遙夜發孤  
響滿林蹄韻而鳥聆餘音不絕入雲散落月未落山  
更蒼奚但自戢令人警小隊辟易來無央循墻十里  
孰敢侮廿八軍舖徒相望磨磴旋復首回尾闐闐透  
迤朝旣昌嗚呼中道 官車晏萬事嬗改何曾量孤  
臣未歿內營罷如彼械噐增悲涼譬物與感曠世賚  
靈壽豈欲杖於鄉終然狐丘得其所往跡悠悠春夢  
長屈指今去三十載卧聽清漏泣滄桑

御愛松篇

有一株松勢蟠屈三十二枝皆側出乃在長橋南畔  
貞蕤宅我猶及見 先朝日 御愛之名今未泐此  
翁此樹天所作宛其桑海他人入樹爲摧薪慘欲泣  
未能救歟翁之力物亦有神神上告天道好還不遠  
復小蕤母忝乃翁職綠袍青松生顏色嗟哉文貞第  
平泉石不用一錢自來逼手撫遺塵日不于白眼不  
歿前度客作詩拚賀秋雲碧

洪翼龍

翼龍字亦輔號碧翁南陽人

和宋上舍韻

微煙秋色小齋平對案晴窗老眼明竹榻傳杯燈穗  
散華箋題墨筆花生孤松棲鶴清無夢寒月歸鴻迥  
有聲悵悵別時長記得短橋鳴水夕陽橫

朴英錫

英錫字景胤號可軒順興人

酒渴用醫言服沉梯

人生堪輿間上壽百年期盈盈上池水周流暢四肢  
至人能呼吸榮衛遂不衰熊經而鳥伸固非適其宜  
惟余天賦性手中不捨卮狂藥攻其內良箴忘鴟夷

元亮脫巾漉伯倫荷鍾隨四體遂浮高維摩見慈悲  
二豎嬰三焦和扁莫之醫駸駸渴為崇雞骨床僅支  
金莖難賜沾黃梅只有思烏桺團成餅沈水作生涯  
瓊液日潤肺宿癥祛些兒不待神樓散奏效何其奇  
鍾乳應洗髓鐵液便豐肌沈疴已去體竟與歲籥移  
可軒春晷永梅發緩吟詩

趙相淵

相淵字聖源號日益軒平壤人

華西路上

早發華城府仍過月谷邨濯藍秋水色經斧古巖痕

楓赤樵童背禾深野鳥言松湖看漸近要倒濁醪樽

鄭暉信

暉信字寅瑞號書隱温陽人

次明詩韻

夜深清話一場圓人意闌珊卧酒邊北斗初橫迷曉  
郭東方欲曙莽寒天經綸已閱三千牘疾病空隨二  
十年脫帽悲歌頭髮短更憐形殼類秋蟬

白履相

履相字衡仲號菊潭水原人

即夕

落葉中庭蕪農談趁夕昏野人猶未返林雀已先諠  
微月生東嶺寒煙鎖一邨牛羊下來處各自掩柴門

斗陵亭子

江湖卓犖獨天真閱盡悲歡近六旬長日琴書君子  
室太平鍾鼎大官身禽魚適養終何願花竹分栽自  
不貧勸課西疇餘暇事量晴較雨與溪人

冬夜書懷

夜長園木寒月與風俱出庭宇炯且幽脩竹清更密  
中有讀書人閉戶神自逸披閱觀今古孤燈當白日  
黃希舜

希舜字士善錫舜從弟

內閣卽事

流光荏苒屬端陽玉磬聲中午日長老鶴無心庭畔  
立好風時送木蘭香

送友人

數柳長亭送客歸殷勤曉月照微微來時正屬芳華  
節莫使庭花爛熳飛

曹俊民

俊民字汝秀一名得濂字蓮卿號書隱昌寧人

秋日東郊

箭橋流水入江長蠹島人家木葉黃男欣女說今年  
事畦菜無蟲稻晚霜

曉起白石村

孤村曙色衆雞鳴蒲地霜華落葉清今日縣西開市  
早田翁相喚買牛行

古木

爾不中材壽自尊青黃何處怨犧樽春心寂寂猶生  
葉泉脉涓涓半入根數點烏鳶歸落日百年風雨在  
孤村餘陰着地堪移席野老悠然坐抱孫

過村居有感

斜陽何處澹生煙寥落人家獨樹邊瘦特將雛歸夕  
徑老瓜帶蔓卧秋田爲農何患吾無土逢歲應多食  
有天休說衡門高蹈士樂飢惟是酌清泉

玉泉書屋夜話

閉門卽是勝匡廬荒落林園夜雪初名岳遠遊雙屐  
弊貧家長物一琴餘慢將蓬矢終觀德老讀檀弓可  
著書多謝南隣真率會枯魚濁酒未情疎

過昌道驛

楊林流水暎橋斜古驛相連數百家長礮一邊黃犢  
跡青山四面杜鵑花牒傳官吏來催駟賽罷村巫坐

飼鴉估客魚鹽行不絕金城路向北關賒

安命相

命相字聖臣號梧泉順興人

懷人

思君君不見怊悵獨吟詩海曲同舟日樓頭對月時  
人生多聚散世事久差遲寂寞樽中酒何當共一卮  
朴之順

之順字德哉新寧人

觀漲

陰雲初散晚風輕極目波濤兩岸生大壑魚龍迷處

所遠天鷗鷺弄虛明樹端出没孤帆影空外奔騰萬  
馬聲觀水始知觀海術登高盡日意逾平

朴東寓

東寓字聖材號澹齋密陽人

春日謾吟

春到山家活計寬賞春無暇整衣冠睡鄉成趣羣  
息酒國無憂萬事安戶外泉鳴山自在樓中月白  
夜逾寒著書不足身先老更有何人續稗官

劉漢謙

漢謙字士受號蘆邨匡鎮子

玉簪花

玉股當心挿鈿頭近檻橫弄風呈異態泣露更新情  
最占香閨愛偏依綠髻明歌筵抽信手擊節恨無聲

春草

自是無人種先偷造化春萌芽承暖日發育圓同仁  
綠遍高低岸青回遠近鄰亂珠朝露綴一色晚煙均  
漠漠行隨馬萋萋遠送人袍光看較淺眉黛妬應顰  
暗逐花愁結晴牽蝶夢頻蹄輪休踏盡畱作醉眠茵

中秋望月

落景下輕陰飛靄入高樓明月破暝曖長天空悠悠



遠舍山河影遍照人間秋林薄散綺縞露葉清光浮  
透隙橫霜刃入簾布象籌臨溪弄清波咫尺如可求  
掬來卽空虛晃朗水自流瞻望歎彌高光輝射雙眸  
稽首訴明月可得終曉不滄海歸路遠行行不可留  
林得明

得明字子道號松月軒必昌子

駐蹕巖

粼粼泉石石門東霜露秋酣萬樹紅 駐蹕當年丞  
相筆空山夜夜氣如虹

西序歸路

牙籤玉軸自參差樓在木蓮花下池分日曬書歸院  
路綠陰深處聽黃鸝

宿廣亭

旅牕無夢計前程推枕擁爐濁酒傾辛苦可憐村婦  
事雞鳴不斷縑車聲

宿牟陽館

寒燈耿耿夜幽幽誰慰山牕客裏愁卧聽松濤聲不  
定孤亭恰似下灘舟

松京午正門

千尋樹老古城闈公子王孫作市人二十八陵香火

斷秋風吹動石麒麟

獨坐松月軒

橘酒椰杯瀉梅詩竹葉書山林移几席風雪掩茅廬  
調病五禽遞養心一鑑虛何須羨富貴寒素復吾初  
夜坐寺樓

金山寺刹冠南中崇佛羅王大有功雲氣長留舍利  
塔香煙不斷釋迦宮千年往事空聞水半夜孤懷獨  
御風詩罷寒燈猶掛壁蒲團就卧老僧同

松月軒獨酌

退食遲遲自石渠柴門月上雪晴初寸心近得安閒

味斗室還成廣大居梅下細斟謀婦酒燈前勤課教  
兒書琴中高調無人解獨愛松聲和步虛

松京途中

老樹秋陰鳥雀喧荒城立馬正黃昏陵川變換橋遷  
陸寺刹虛無塿在村耕盡毬庭餘殿陛穿殘石闕認  
臯門至今惟有嵩陽院長使行人欲斷魂

青石關

壁皆青石樹皆楓十里行穿錦繡中窮峽有村人獨  
往亂山無路水回通田間或見驅牛女林下時逢射  
雉翁我欲西遊重歎老出關難學棄繻風

宿鳳山郡齋

孤燈挑盡夜如何  
白首他鄉感歲華  
十月高風邊鴈急  
五更寒雨客懷多  
桑弧壯志終無用  
漆室幽憂老漸加  
自是奎瀛仙府吏  
夢為飛鶴到鑿坡

矢魚于流霞亭

雨後江光澹不流  
綠陰處處有名樓  
尋常兩岸漁人集  
自在空汀水鳥浮  
鎮日身閒杯在手  
飽風帆疾柁開頭  
重來欲遂沙鷗約  
不識沙鷗許更遊

枕流澗戲題梧桐葉泛水

我詩題桐葉泛彼  
溪水流  
溪水流不息  
桐葉去不休

滾滾東復東寄語到十洲  
十洲多仙人訴我紅塵愁  
何當謝塵愁飄然與共遊

七佛寺

傳道七佛方畱作  
滄水名湖回褰裳涉俱陷  
宇文兵誰知迷川術  
不勞劔戟迎轉危  
即回安南北路塵清  
散坐水邊崖老石作儀形  
慈悲由濟衆往跡讀鍾銘

載酒堂

難得上池水將身壺中養  
壺中有天地天地自昭朗  
三山與十洲惟意恣奇賞  
偶逢騎蜨叟同期崑山上  
枕藉白雲宿胸次滄海廣  
開眼塵網窄闔眼湖山往

文章假大塊名利真夢想年華嘆鳥過千古堪激仰  
三百杯中酒日日不離掌陶然樂有餘荷鍾代扶杖

意園行

茆檐睡起無與言據床隨意作意園意匠慘澹剡藤  
上山勢先欲分卑尊南宮水墨卽今濃倪家林泉自  
昔元蜀山丹青徐點滴手裏霜毫任停奔蒼苔老樹  
轉巖曲叅互輞川與桃源引溪作池竹爲扉繞壑煙  
霞澹不繁疎楊低拂釣磯閒蒼藤亂垂水車翻數村  
籬落靜如眠斜日想聽雞犬喧暢可縱眸深可息依  
然坐我松月軒無思無慮一天民葛巾布衣古貌存

左琴右書古董爐棋局投壺間酒樽偃仰于此耕鑿  
此準擬餘年歌 聖恩聖恩長與餘年永此畫看作  
羲皇村男欣女悅秋更熟老夫無爲畢嫁昏圖成充  
然掛壁面絕勝朱甍與粉垣一日閒情得筆端又笑  
明曉赴金門

金在鉉

在鉉字子貞號山中子慶州人

自海州還向延安

畱宿首陽纔五宵歸裝旋理海雲朝稍知淳俗難言  
別已熟來程不覺遙沙暖鴈羣遵古渚風昏魚隊上

風雅三選卷四  
春潮邨容隨處可人意屋蓋茅茨板作橋

秋懷

鄰槽滴滴響新醪爲泛黃花解佩刀斜日烏歸千樹  
靜虛樓客去一峰高野香入室炊霜稻園味登盤斫  
露桃天氣蕭涼秋過半細君催線舊綿袍

梁興宇

興宇字泰汝號北臯忠州人

悲秋

明月如高士林泉出故遲涼催蛩織夜雲豁鴈來時  
方讀歐陽賦深知宋玉悲有懷還默默都付一箱詩

宋洞納涼

洞古雲生壁林脩綠暎衣偏宜芳草坐猶惜晚花飛  
有瀑寒如雪無塵氣作霏披襟消永日欲伴暝鴉歸  
延景箕

景箕字文範號荷塘逸士次締曾孫

醉後感歲暮

世事不關陶令醉生涯堪歎子雲居貧猶每貫三杯  
酒因欲都忘一字書風氣漸隨春氣動年光暗逐月  
光虛二毛侵鬢成何事多愧吾心未遂初

庚璣

風言三選不卷四  
璣字虞衡號觀生窩茂長人父世通見續編

次王昌齡韻

百歲難逢一日歡秋山向夕氣淒寒君來欲醉無因  
飲何似敬亭相對看

與汝固話舊

隣園鬱桑榆深巷少車馬孰顧蓬蒿居時從北山下  
秋圃新經雨箱書閒嘗把君非營求士我亦沉冥者  
何當霜葉紅共宿雲裏舍

金忠顯

忠顯字孝範號西溪晉州人

白雲樓

江流紅樹裏樓枕碧山頭歸時風正急落葉滿孤舟

詠山

遠山如高士長在白雲間自憐城裏客可望不可攀  
保寧金神村省六代祖墓

廢省百年久階除半已頽里人相聚語此墓子孫來  
宿金駱洞族兄家二首

跋涉到柴扉蕭條數間屋嫂叔庭中拜弟兄床上宿  
燃松炊粟飯采蕨雜魚羹野味雖云淡慙慙總至情  
寒食日省墓

葬親空山裡一年一省墓自愧孝子心不如墓前樹

與保寧族姪

我愛堂前樹枝枝相對生蒼蒼千萬葉只是向根情

東峽之行隔日有作

終日沈吟似不平家人持酒問愁情桃源豈乏閒田地聞說年來有吏征

黔巖橋

川漫橋斷暮雲平賴有村翁引去程來往慣知深淺處月中驅犢緩歌行

漢都頌十首

漢陽城闕接天橫日出家家歌太平江作銀河涵地

軸山連宸極護神京

龍池春暖柳低垂寶幄高張日影遲湖堂學士能

馳射禁衛鄉軍亦賦詩

君王祈穀祭園壇牲幣香薰夜欲闌劔珮無聲宮

樹靜九天風露袞衣寒

紅雲不動路塵清鷓鴣班齊駐蹕聲仙史輦頭

對雙立龍顏開笑問民情

聖人禱雨上壇場赤日當天蓋不張一片墨雲西北起滿天甘雨濕龍裳

再造忘恩亦有端  
皇天應照此心肝  
千年東土君臣淚  
北苑神壇日月寒

疫癘流行夏月天  
松棚草幕四郊連  
醫官日日頒仙藥  
勅賜宮中內帑錢

柳拂花垂春雨滋  
春風更向殿頭吹  
青山搜捨崩沙骨  
街巷行收失母兒

玉輦乘春馭六龍  
親耕東郭勸民農  
始知擊壤村中草  
長入堯天雨露濃

敦化門前焰氣薰  
百年奴籍一時焚  
男山女野呼千歲  
冤氣消成五色雲

過楊經理去思碑

玉節東來住幾時  
至今功德使人悲  
城西依舊中原路  
風雨蒼苔一片碑

觀石确叱牛耕者有作

峽裏生涯寄石田  
春來驅犢上危巔  
盤旋飛鳥難過地  
直到浮雲欲斷天  
平野曾逢歌鳳叟  
半空誰見叱牛仙  
向人笑指塵間世  
多少軒車風浪邊

答元湖老人韻

家貧何計慰親顏  
負販枯魚市陌間  
隨事寧堪環似轂  
持心難得定如山  
曳泥喜有龜三足  
當路慚無豹



風雅三選不卷四  
一斑欲問天真餘幾許半輪曉月在雲端

聽澗齋言懷二首

白頭含笑住紅塵但見來蹄與去輪屠狗自多豪傑  
士讀書何必聖賢人街頭訪酒家好陌上逢鶯處  
處春意欲閒時身已老歸山無計養吾真  
居家教導素無方只喜見孫日漸長充口亦宜粗飯  
粥着身何必繡衣裳交人淡泊能爲父生子愚癡自  
不妨莫向分中生別意乃翁傳業在耕桑

張必新

必新字伯言號懶夫漢陽人祖清溪萬健見續

編

秋日

秋至蟬聲急晴生嶽色高門無長者轍誰戀故人袍  
遯跡固其願浮名謾自勞何當得閒地清興在揮毫

金泰郁

泰郁字宗浩號睡軒金海人

西清書懷

懶性春來慣午眠矇矓直到日斜天夢裏翩然身化  
鶴十洲三島管雲煙

院中與金好古林松月共賦

圖南鵬翮未曾張梁甫何時見太陽半世塵愁紛似  
緒三年宦味辣於薑還丹有術難嘗口浮白無量爲  
滌腸歲暮窮居誰作伴雪中松竹獨蒼蒼

蔡景敏

景敏字寧汝號竹翁仁川人

夏日山中

白髮蕭蕭一布衣悲歌傲嘯世緣微山深流水無情  
去天濶孤雲盡意歸風送餘花紅點點雨添芳草綠  
依依好輸煙景莊園裏肯使幽禽出洞扉

金聲厚

聲厚字聞遠號牛川安東人

漫吟

歛跡成吾拙易安蝸屋居自知閒日月頗解古琴書  
醉倒新筍後眠甘一飽餘紛華人世事太半夢相疎

古木

曾是豪華蔭洞門還將搖落帶孤村腐心病葉春無  
賴棲鳥纏藤日欲繁淅瀝聲過風攪夢婆娑影定月  
生魂千年飽盡榮枯態老大偏承雨露恩

申尚一

尚一字貫之號茲菴平山人

吾生何所欲二首

吾生何所欲緬焉世唐虞廢書思真養閱境返初愚  
耕樵爲伴侶婦孺相煦媮天地本自然人間廼多途  
吾生何所欲田野得平素不來荒僻地邠知古人趣  
檐牖山水氣庭除日月住願言無外蓄日齡於此寓

霽夕

秋至樹有聲雨從今夜歇明河天中瀉重雲西南沒  
歡來萬慮微神襟自怡悅草蟲時鳴躍幽池光芻芻  
清輝無人見長吟對山月

安重禧

重禧字純汝號蓬溟一號西巖順興人

擬將進酒

文章不救一士寒平生誤身是儒冠高堂張燭浮大白  
復有佳肴堆玉盤服藥求仙亦已迂不如飲酒且  
爲歡自堪擊節打缺壺羞作羈旅長鋏彈遙天星河  
耿昭回緩步微吟徙倚欄但願眼前醉不醒豈知鐘  
鼓催夜殘人生得意便云足不須空歌行路難伯倫  
荒墳無人酌唯有月色至今看

申相濬

相濬字元直號正誼齋平山人父雲谷純希見

風謠三選卷四

續編

浮碧樓

關西名勝地佳景最斯樓遙堞水透抱傍山雲逗留  
清歌南浦岸纖月東山頭乙密空臺下傳言神馬遊

李景淵

景淵字公默號傲齋韓山人父三友堂廷麟見  
續編

夕次長湍

中流叩柁水漫漫何似人間行路難古壁風生鳴墜  
葉長洲雨滴覺新寒江山舊日詩中識星月今宵分

外看多少勝遊君解否歸期只在盡情歡

姜鳳一

鳳一字翼瑞號感一齋晉州人

秋夜直中

九門下鑰禁城秋騎卒巡更漏箭收梧掖沈沈雲影  
靜畫簷滴滴雨聲幽虛明有色月生樹清絕無眠人  
倚樓持被金華餘廿載 聖恩入髓更何求

慎知欽

知欽字一之號夢樵居昌人

臨江寺

風謠三選卷四

縹緲臨江寺悠揚上峽船天風吹暮磬汀月破秋煙  
沙鳥寒相叫漁燈夜不眠雲端指歸路曉角郡樓前

尹仁權

仁權字聖仲號樗窩散人坡平人父鶴鹿庵壽

河見續編

北漢途中

曲徑通懸棧飛泉掛絕缸滿山紅樹裏我亦醉深缸

風謠三選卷之四

風謠三選卷之五目錄

朴允默

七絕三  
七古二

五律二

七律六

五古十五

嚴性簡

七律一

李慶吉

五律一

金富宗

五律一

金宗翥

七律一

庾珖

七絕一

秋得來

五古一

金晉述

七律一

俞漢緝

五絕二

七絕一

五律一

七律一

盧允迪 七絕一 五律四 七律十

李學懋 六絕二 五律一 七律二 五古一

朴景烈 五律一 七律二

洪萬述 五律一 七律一

張大哲 七絕一

羅文箕 七律一

崔東秀 七律一

金宗采 五律一

洪聖濂 五律一

鄭禧善 五律二

李慶集 七律一

金頤錫 五古一

李胤義 五絕一

李廷熙 七律一

李景福 七絕一

金起永 七絕一

黃文鎬 七律三

方孝一 七律二

洪義明 五律一

劉泰勳 七絕一 五律二 七律二

劉明勳 七絕二 五律二 七律三

安紀雲 七律一

金明奎 五律一

李景奎 七律一

方禹興 七律一

風謠三選卷之五目錄終

風謠三選卷之五

朴允默

允默字士執號存齋密陽人官僉節制使

遲進臺

先王此地 駐龍輶老柳高槐歲幾秋一片石頭三

字蹟孤臣不覺淚雙流

健陵齋室

依依黯黯復皇皇霜栢蒼然露草荒是日西風無限

恨千秋舊節白雲鄉

歸路復用前韻

風言三選不卷五  
路轉迢瞻接大皇松風蕭瑟柳煙荒依遲車馬秋山下泣過新豐父老鄉

奉讀 正廟誌狀謹書感

典謨如復見虞夏並垂傳教化風行地高明日在天依依追舊蹟字字泣新編不灰叨監印殊恩又此年

雨中乘舟下松坡

小艇輕於葉孤帆恰受風樹奔指點際山改送迎中天地一身渺江湖兩眼空浮雲望不極直與海門通

次柳僉使明村見寄韻

可奈頭邊白欲絲庚年離散抱餘悲洛城病卧生秋

思滄海書來感舊知流水自同人事去貞松不逐歲寒移更憐習氣猶如昨金石錚錚滿篋詩

宿叢碧園

郭外青山雨滿天寒齋獨夜杳如年殘燈自照林間宿亂瀑皆從樹杪懸恍若逢臆臨浦澈依然水墨潑雲煙始知造物終難測朗月繁星忽在前

咸豐東軒陪良齋洪使君儀詠共賦

玉府餘情慰遠遊湖山征馬故遲留中宵幾作蒼梧夢饑歲偏多赤子愁糶糶恩深床上牒魚鹽稅薄海邊秋讀書始可行吾道不必南天歎白頭



詠揚根金孝翁

兒年六十負慈親，偃僂行過澗水濱。  
快樂界中應有日，須彌山裏幾由旬。  
自知甘旨難為力，惟效勤勞已忘身。  
養志從來為大孝，誰知窮峽有斯人。

雨中拜大學士碩齋尹公墓

三十年間九度過，法華山色尚嵯峨。  
松深古道靈風起，花落荒原暮雨多。  
楸舍簡編猶剩馥，柲灘樵牧亦悲歌。  
忽聞蜀魄啼無盡，可奈枝頭怨血何。

書進學語初門 并小序

我春官邸下撰定學語初門，將以訓我

世孫令內閣書進賤臣猥忝是役，倍切榮感，謹述以識之。

萬筵夜燭點朱餘，類別區分五卷書。  
搜出高文充棟際，開來初學入門初。  
少儀遺節千秋是，課誦嘉言一體如。  
昔日餘恩叨寫役，殘年筆力愧荒疎。  
課誦即我

廟朝御定 世子宮受學也 時賤臣書進一本今又書此

無題

煌煌中天日，冉冉忽西馳。  
九衢昏將夕，遊子渺何之。  
獨立念征途，奈此萬里期。  
不寐至明發，舉頭仰朝曦。  
光輝無今昨，既往不可追。  
所以臨歧哭，摧腸有誰知。

歲饑

曾聞君子道有思不踰域在府而言府乃是爲盡職  
今我莅薪衙責也敢不塞適值歲不熟農事失稼穡  
一斗直百錢部內皆艱食春窮尤顛領未免有菜色  
官穀乏儲積鄰糴無假貸廩稍雖捐出塗抹亦不得  
昨見家書至杳杳苦何極上言糧道竭朝夕難爲力  
下言屋宇弊墻頽而棟仄何暇及我私瑣屑都不識  
細思今日事民憂固在卽哀彼溝壑命拯溺如不克  
此役當忘家受恩於 邦國

清潭楸廬五首

煌煌旌孝碑當彼長溪口基舊石維新苔蘚不曾有  
經過孰不感愚夫與愚婦長祝字不泐千秋萬歲後  
四隣採薪去犬雞相守屋饑鼠時出戶珍禽來啄木  
自起烹新茗宿火朝猶伏落葉更題詩無次不可讀  
張翰江東去陶潛栗里來三秋鱸魚膾一生菊花杯  
不以爵祿故所守爲人摧千載想餘風餘風何偉哉  
人生貴適意餘事皆可置滔滔人間世惟是名與利  
拙於兩者間久無着脚地所以窮山裏獨來卧蒼翠  
從我者是誰有兒來繞膝讀書與共之真趣諒非一  
以父兼師道衰矣那可必學半亦吾得敢不惜短日

嘉山郡齋詠妓雲娘

爲官能盡節是謂國事勤愛此郡中妓事俟如事親  
方賊肆慘毒獨以死爲隣偏性確有守大義皎若晨  
亮鋒之所觸忠逆一瞬分豈意危身日乃在畫眉春  
華譽動京國賢娘名是雲門墻如千里欲見竟何因  
聞說免公役良家歸守貧死生雖不同花巖後一人  
過定州城弔關西七義士

是父有是子爲國共衷情盡忠是爲孝教義亦惜名  
討賊雖未殲與賊不俱生印與手俱落聞者猶嗟驚  
朝家推隆恩綽楔見雙成

公與其親同時殉節

右贈兵曹判書鄭著

公自濟上來長驅疾如飛收復宣郭間賊心摧欲悲  
日夜勵士卒忠義以相依攻城力催戰中丸竟不歸  
自從將軍歿士氣頓覺衰九原不可作臨風歎相違  
右贈統制使許沆

杖劔西來日誓欲掃塵喧獨出萬人中奮臂氣若偏  
萬弩紛如雨賊已先據山揮斧力斬關知進不知還  
胡無繼後援往事不足言

右贈統制使諸景彧

百般脅欲降五毒酷如是不恨身已殞但恨城未毀

直當化為厲賊奴必殺爾

臨死罵賊曰生未討賊死當戮汝

從古歿

事人元不在統緒

右贈戶曹參判白慶翰

關河值板蕩夫子真豪英  
單身入虎穴細探賊中情  
招降計未遂陷危事已傾  
試看精忠竭益驗至孝鳴

公嘗以孝行有名州郡

兩者俱無怍雖歿亦猶生

右贈禮曹參判韓浩運

布衣赴國難忠義颯英姿  
生是傾陽蕊歿亦傲寒枝  
怒氣猶勃勃公死後猶仰 嬌節一何奇  
誇耀人耳目 醉夢豈徒為  
仰想若人賢非徒才不羈

右贈兵曹參判林之煥

每於矢石間當先輒披閱  
忠義自根性歿生不介懷  
暴師漸欲老百計多所垂  
賊雖憑險阻遊魂寄孤棲  
眇視烏川城笑彼一丸泥  
急擊不旋踵大功遂未諧  
盛名滿關河英風起愚迷  
斯人將此見住馬不肯回

右贈北兵使金大宅

敬次清潭異鳥歌

有鳥有鳥墓前樹昔我曾考  
追服時至誠大孝感天地  
異瑞靈應一何奇鶉貌鳩  
色非凡羽孰遣爾來人  
不知朝復夕今日上瑩其  
來其往如相期一哭爾亦

咽咽苦再哭爾亦聲聲悲山叢水回境寂寞何人聽  
此不淚垂飲啄須人不用驚止息有常不暫移夜夜  
隻影無儔侶顛風亂雨恒孤危三年以後忽飛去望  
望雲天竟何之牧童樵兒歌其事摺紳章甫述以詩  
况我小子追慕感臨溪揮淚仰遺碑

寄玄弇山 在德

弇山出示蒼石面自言 先王恩賜硯落在陋室三  
十年雲根山骨尚輝炫其性温潤不拒墨能令墨光  
生素絹薄漸如紙品逾絕鳳味鶴眼非獨擅追憶往  
事如春夢眼前惟餘此一片顧我亦蒙彤管賜當時

擊出掖西院或恐禿盡不妄試日日摩挲知幾遍不  
以金錢以筆硯 聖念偏屬兩介賤書中志在尺寸  
進到諸白紛各不倦欲經 乙覽今無地區區肯向  
俗人街相與握手共歎息墨池不覺雙淚濺世間閱  
歷不須說潦倒徒作風蓬轉臨池寓意或放意煙霏  
霧結隨所便目如不盲臂不折苦哉此癖去莫變君  
家陶泓我毛穎餘年長誦 聖人眷

嚴性簡

性簡字主敬號野老啓膺子

睡起

午眠初覺對斜陽  
簾捲溪風納晚涼  
澹泊雲光連遠岫  
潺湲流水繞高墻  
隔窻好鳥時來語  
經雨芳林日漸長  
白髮短筇身已老  
生平祇喜酒杯香

李慶吉

慶吉字逢伯號兩槐堂漢陽人

新春偶吟

澹蕩新春事閒居  
獨見之蛆浮盈甕  
酒花動近簷枝澗  
珮淙淙處林禽款  
款時抱書東郭卧  
白日下山遲

金富宗

富宗字景祖號東圃稷山人

雪

初似花飄塢旋疑月滿庭  
着梅微有影透箔細無聲  
幾惹山陰興曾添灞水情  
近窻遲暮景白髮更分明

金宗翥

宗翥字伯祥號止齋漢陽人父醉醒窩喜重見

續編

狎鷗亭

衆壑羣巒赴檻前  
飛甍千尺勢飄然  
人家共襍江干樹  
舟楫平分水面天  
每日常舍秋氣冷  
四時先得月光圓  
可憐客子登臨地  
無限風煙白鳥邊

庾珖

珖字玄玉號丹泉璣弟

雪後見月

雪色交將月色多清遊不問夜如何調高未必求人  
和郢客千秋一曲歌

秋得來

得來字 居大邱

送營冊朴碩士 景烈 還京

潛深龍則神飛高鳳兮瑞苟或人易狎馴雞與豕豕  
流沙去伯陽商顏老綺里乃一龍一鳳有綸誰可餌

顧余小人歸蚯蚓又螻蟻穴居慕羶肉泥蟄飲濁水  
覓食雞奮跖丐霑懶耻彙日御龍門下君家鳳城裏  
陸沉豈下流吏隱近曠士君能恤涸鱗我欲展弱翅  
每聽南來鴈願得一雙鯉

金晉述

晉述字來之號樂與子 人

諸益來訪于正方山城任所

萬松深護祖師壇來坐三千世界寬水落溪雲縈亂  
石天高風葉灑危冠良朋把酒秋宵永老釋懸燈山  
雨寒會面萍鄉非偶爾直須候月下前灘

俞漢緝

漢緝字慶之號翠茗沔川人

發鳳坡

洞霧啓朝曦征驂臨曠野忽逢原上畊自笑問津者

新禮院

海斷朝天路槎空犯斗星祗今餘廢院薺麥自青青

曲橋

敗岸崩槎擁斷橋杏花村巷帶春潮行人駐馬頻  
悵一抺峩眉隔浦遙

燕尾小集二首

嶢巖雲木秀夫子詩相如落日臨流水青山看古書  
老蒼頻見過尊酒湛常餘晦養知神物終非尺澤魚  
夕氣澄明溢未收芙蓉池上月相畱寒虫豈省悲秋  
賦綠水無端送客愁萬戶星河幾人夢一天風露五  
更樓世間多少英雄恨揔爲浮生有白頭

盧允迪

允迪字惠卿號書畫舫萬頃人

促織

啼向機頭驚先時聲聲惟恐擲梭遲春蠶死後千端  
緒又繹寒腔夜夜思



觀音閣留別朱侍讀廉石暨其弟王事滄湄  
周內翰希甫張翰林船山羅舉人兩峰諸人  
士有虛襟好吾於數子知文章言外出春日酒中遲  
地面分東北人生動別離星槎還渡海萍跡杳前期

王數里太書室

書童無遠速數子幸鄰同老樹門先得蒼苔逕暗通  
坐深山色裏晝寂雨聲中倦蝶欺人夢悠揚過別叢  
驟雨  
隱雷驅遠勢亂沫集空庭日暎絲絲白山歸漠漠青  
麥漂書裏忘蕉大夢先聽洗出黃昏月園林寂若醒

雨後東樓

橋漲明虹斷山晴翠黛浮三庚無大暑二酉有高樓  
地接仙居密人如野老幽臨風時杖策碧樹亂蟬秋

禾積淵

亂峽中開一洞天懸崖上接半空煙誰期別有千尋  
壁特立偏當百頃淵泓下老龍常喚雨松巔棲鶻不  
知年長腰敢惜逢君折到此人人即米顛

居家續前韻要數里書隱聯和

一意清修破未曾在靈蓮出家僧貧思雨粟如朝  
雪老欲燃藜代夜燈子建世稱才八斗無功日戀酒

風言三選不卷五  
三升名聲自古多  
縑鎖斷却何人似我能

遊漢北

爐香終日冷  
霏微坐到禪房便  
息機暮嶂重重如出  
髻秋雲薄薄不成衣  
難分老石僧俱立  
錯認歸禽葉  
忽飛自是霜鍾多  
警發一聲悟得半生非

秋言

秋士秋山一樣清  
各呈瘦骨鬪崢嶸  
故人多謂緣耽  
句妻子偏愁爲中醒  
紅樹樓臺晴更暖  
黃花籬落夜  
還明與居近日添  
康旺自是煙霞足  
養精

至夜

老屋寒林悄  
共依半璜殘月影  
微微愁如燭淚消  
還結心逐葭灰死  
更飛荳粥且同妻子  
飽荆扉獨見故人  
稀遙知郭外多風雪  
裘馬何時一打圍

抱川途中

店屋纔容數客寬  
雞棲豚柵接牛欄  
前行尺寸皆爲  
得小坐須臾不是安  
雨滿征衫梅醜細風  
吹遠壟麥潮寒回望  
宿處堪愁絕煙火依  
微亂木間

贈王步庚赴鎮烏嶺

淚盡窮途恨豈舒  
躬逢異數世無如  
金門通籍從沽  
市山寺治經賜秘書  
敢說先王恩未究  
幸延今日

風言三選不卷五  
祿猶餘白頭乘障還奇事坐鎮重關計莫疎

單陂書屋秋夜小飲二首

溪閣初成十笏寬嘉賓賢主共清歡落之以酒爭攜  
榼禮近於文任脫冠崔顥吟詩黃鶴去吳剛斫桂老  
蟾寒莫將佳處輸圖畫倘有人知恐借看

月來天地我懷寬不爲悲秋強作歡一夜酒星明几  
閣滿庭菊露散衣冠文章欲瀉腔中熱名利都歸夢  
裡寒豈待青銅驚素髮吾衰卽自爾顏看

驢吳大山

昌烈記室赴燕

前遊記得少年場裘馬翩翩西出疆意氣自能輕遠

別文章妄欲動殊方屠門大嚼衝寒雪酒市悲歌送  
夕陽此去君當尋我跡遼山薊樹夢中蒼

李學懋

學懋字允習號澆花道人喆懋弟

野庄秋懷二首

蟋蟀寒聲月下蒹葭秋色煙中平明拾穗村女薄暮  
驅牛野童

漠漠孤村暮樹依依遠寺寒鐘山庭落葉風掃野碓  
香粳水舂

同權進士

敬履汎舟西江

隔樹聞啼鳥乘流見浴鵝青山隨棹出明月入舟多  
穩泛龍湖水輕迴鶴浦波乘潮環一島何似溯銀河

室人周甲

童心如昨結禱辰世事居然白髮新嗟我已揮風樹  
淚美君猶有北堂親兒孫彩服樽前畫卿士華筵席  
上珍正值斯辰添舊感吾家壽宴再庚寅祖妣周甲  
之卒室人

生而又備周  
甲故及之

重回結禱之歲見葦設宴如婚儀戲題一律

忽驚今歲戊申還春色依然江上山坐處愧深鄉黨  
敬年來好作釣漁閒鏡塵豈合紅粧照樽俎旋添彩

袖斑不待鳴琴和氣發白頭歡笑蒲花間

下幸洲

綠江四月初縱棹下幸洲人皆為葦魚我愛澄江流  
柳暗蔽黃鶯沙明坐白鷗風微去楫遲歷覽千村幽  
行抵樂健亭巨壁屹龍頭在昔權元帥破倭名千秋  
今我載酒過往蹟何處求繫纜登高臺風物亦名州

朴景烈

景烈字汝貞號彌軒全州人父箕采見續編

過松石翁墓

夕陽心寺北深樹耳溪間杯土今荒落樵歌自往還

故人摩短碣春鳥哭空山試問泉臺下能如玉洞閒  
塑齋數里天汝來訪

詩未嘗窮酒未乾夢中誰肯逐金鞍惟天所相隱居  
樂具體而微行路難芳草東風餘雪色杏花疎雨送  
春寒暮年拾得林間趣翠篠娟娟老石頑

寄李成汝 基福

腰間三尺芙蓉劍馬首關西四十州刺史當時同李  
郭書生平日慕馮侯秋風得意雲中道明月行歌淚  
上舟京洛故人懷不極鴈聲高處獨登樓

洪萬述

萬述字汝式號市隱南陽人父遠澤見續編

以蟲鳴秋

月侵疎牖靜露濕碧梧流百蟄鳴何苦孤懷獨自愁  
晚聲渾樹裏涼意最床頭宋玉堪為賦江山不盡秋

訪千君君善

春雨春風澗上樓終南山色一簾收若無好月其如  
夜安得名花長不秋兩岸垂楊微路轉數聲黃鳥小  
園幽聞君別業囂塵遠願借煙霞一小邱

張大哲

大哲字明哉號映翠堂道行姪

太古寺

雨後山容晚更青  
蕭蕭落葉滿空庭  
千林煙鎖禪門靜  
雲外鍾聲半夜聽

羅文箕

文箕字聖範號棲雲文奎弟

避暑三清洞

雲垂點綴欲生秋  
翠壁蒼藤到處幽  
沽酒短僮來木末  
吟晴啼鳥出枝頭  
苔光嫩合雙鞋步  
人語迷分亂水流  
知是三清仙不遠  
可能留我滌塵愁

崔東秀

東秀字伯賢號源泉慶州人

山齋謾吟

甕頭酒熟客來初  
况復山童獻果蔬  
澗籟清泠疑雨後  
草花斑爛尚春餘  
園亭價重文章筆  
蓬蓽光生長老書  
鏡裏年華莫相促  
星星短髮不盈梳

金宗采

宗采字致和號翠香漢陽人祖麗輝見續編

上元夜懷釣隱

良宵孤興發力疾  
強登樓月色酬佳節  
江聲撼別愁  
久懸徐穉榻誰棹子猷舟  
惆悵懷君意詩成欲白頭

洪聖濂

聖濂字道源號源明南陽人

曉發錦江

雞聲催曙日花影照江天一夢風埃裏百年途道邊  
枝翻鴉鵲起渚白鷺鷗眠半世浮生事還如不繫船

鄭禧善

禧善字穉純號惺惺齋漢陽人父一齋惟泰見

續編

湖西客中

上元月正好客意慰悽涼老少登橋去笙歌滿路行

賴君多美酒忘我在他鄉永夜歡娛畢居然曉色蒼

李慶集

慶集字成甫號雙柳堂慶吉弟

雪山東閣冬夜

江湖幽興白鷗期萬事無成老可悲故國春生殘雪  
後他鄉月照倚樓時韶華易就莊生夢鬢髮難沾墨  
子絲繻葛肯嫌相與際高明獨許我心知

金頤錫

頤錫字士真恒錫從弟

寓居紫霞谷

欲擬田園心偶居紫霞谷鳥雀喧日夕覆簷多嘉木  
閒雲時出岫悠悠過林麓懶眠日高起梳髮整巾服  
寥寥北窻下床書閒自讀

李胤義

胤義字義之楊山人再從祖壯窩聖中見續編

秋夜

月晶秋竹冷風切夜窻鳴端坐清無寐工存見性情

李廷熙

廷熙字而晦號蘭皋仁川人

和林松月軒見寄韻

芳林霽日一鳩鳴猶愛殘花媚晚晴際是故人多逸  
興忽將華翰寄幽情田園有計傷遲暮刀筆謀身愧  
聖明聞道高隣多好釀招邀能得解吾醒

李景福

景福字

號學園全州人

書齋漫詠

春睡昏昏過午長刺桐花下已斜陽風微小幔無人  
語只有殘蜂趁墨香

金起永

起永字詩仲號知止齋慶州人父自饒齋致夏



見續編

通津庄舍懷李鶴田

從知居士學坡公時向晴窗繪事工汾水文山如點  
筆此身應在畫圖中

黃文鎬

文鎬字天汝號棄棄齋昌原人

水聲洞

泉鳴百道雜松聲虛谷泠泠爽氣生遠客初來山雨  
霽流雲忽斷夕陽明幽花澹澹黏雙蝶綠樹重重語  
一鶯老石高杉皆我有茲遊剩得遠塵情

北社秋懷

盈樽酒氣漾輕霞處處歡迎勝在家若使知音存海  
內何憚遊賞遍天涯霜風忽起驚歸鴈白日難停數  
暮鴉屈指重陽餘數夜請君切莫負黃花

得意軒

忽思前我作郊居蓑笠芒鞋樂有餘却解寶刀買耕  
犢更將賢傳易農書東風柳色閒携酒春水桃花好  
捉魚今日塵間復奔走斜陽回首意茫然

方孝一

孝一字士行號白醉清州人父彥弼見續編

芳草

浦地茸茸帶雨斜  
偏憐幽趣澗之涯  
無邊春色一雙蝶  
不盡夕陽二兩家  
風作淪漪連麥浪  
沙分境界照棠花  
披行藉坐聊隨意  
未覺郊原十里賒

餞春

紛紛蝴蝶戀殘芳  
點點飛花落羽觴  
沈醉可能銷別恨  
苦吟聊復盡清狂  
去來四序一彈指  
今古幾人空斷腸  
黃鳥綠陰無限好  
繁華未必說青陽

洪義明

義明字宜甫號逸齋南陽人

贈別

寥落江邨夜深秋  
送客時浮生皆有命  
團會豈無期耿耿孤  
燈照冥冥斷鴈悲  
頻聽雞喔喔悵略成  
詩

劉泰勳

泰勳字讓之號復齋相祐子

路逢嶺南僧月菴語  
多三生輪回歸書一  
絕佛有三生欲善行  
何須沒著強為名  
此生分作三生看  
幼是前生老後生

懷好古齋

山齋纖月落寂寞  
獨思君佳句工無  
敵奇懷老出羣

書燈寒不寐風葉夜多聞雲谷秋將盡幾回清夢分

謁沈相公

秋風相公宅蕭瑟戶常關紅葉重重樹寒雲處處山  
應存憂國念那得喜身閒籬下黃花晚清樽強破顏

聽蟬

百尺疎桐澗水東聲聲流出聽來同宮商徵羽難爲  
律斷續高低一任風碧樹新經微雨後亂山多在夕  
陽中長音何事清如許露腹知應徹底空

送人惆悵忽憶西清故友

平明送客意怱怱獨坐羈懷更寂寥野外斷雲疎暎

雨洞中森木亂鳴蜩人生定是風蓬轉時序真如石  
火消西省松篁長在眼山窗夜夜夢魂遙

劉明勳

明勳字季章號杏川平山人

率豎子薙園草二首

荒穢雖治日益增譬之從惡易如崩駐筇卻憶陳蕃  
語天下腥羶孰掃澄

昨宿林宗旅館清常居茂叔草盈庭較論二子吾何  
敢詩思惟從淨處生

龍湖初夏

屋詩三選之卷五  
愛此一房山山紅礪碧間衙蜂憎擾擾馴鳥聽關關  
充飽珠難得無才錦見還只憐數竿竹冷籟送怡顏

苦雨

早起循階步舍桃落滿庭樹梢灑飛瀑樓外響餘霆  
倚杖霑空翠褰裳染薜青畦丁來自野汲汲問農形

送春翌日歸江舍

躬耕地少嘯多天蝶夢初回藥檻邊開卷鈔存醒世  
語撫松記憶受官年新晴江色明如鏡遲日園陰翠  
勝煙二妙東南消息斷柰何春尾夏頭連

聽蟬

極清回憶化身初意想何曾到緒餘乍歇深園空悄  
悵忽移喬木更蕭疎都無一點塵埃氣宜共三庚水  
竹居若使宦情輸爾翼人間榮辱掃紛如

貫居桃花流水亭

輕風拂拂動青蘋流水桃花已送春黃篾船歸攜妓  
客綠蓑衣返釣魚人波心影落參差樹沙嘴門連四  
五鄰借問湖山能變幻更看顏目比前新

安紀雲

紀雲字軒師號雲軒順興人

新秋山齋

自愧霜華染髮毛鄰人見懶誤稱高年來已得全身  
靜老去何曾一夢勞雨過閒庭霑竹粉風生虛壑轉  
松濤不必求仙丹九轉耽詩嗜酒亦吾曹

金明奎

明奎字啓祥號昨匪窩忠州人伯父庸齋國煥  
見續編

春睡

空庭春日永無事卧芳林自墮手中卷多閒床下琴  
雲生花木靜犬吠竹籬深忽覺山光暗歸禽報夕陰  
李景奎

景奎字士潤號懶翁漢陽人

憶友

江湖渺渺信書稀花爛重城獨掩扉每憶情人頻北  
望誰教春鴈更南歸平郊雜樹迷紅暈遠岫浮煙合  
翠微終日倚欄無處問含泥乳燕近簾飛

方禹興

禹興字士鼎號百忍齋溫陽人

南原客中除夕

屢剔殘燈耿不眠時光坐驗後先天舊遊黯黯心中  
憶故里依依夢裡懸  
馬嘶頻行欲發雲鴻飛盡信

風謠三選卷之五

難傳深樽獨酌堪  
怊悵今夕明朝各一年

風謠三選卷之五

